

## *Smalahove* på Sunnfjordhytta 21.–22. okt.

Det går slag i slag på hyttene i haust. Ikkje før har folk fått i seg ost, kjeks og anna godt på Nordfjordhytta, så blir det smalahove m.m. å få på **Pustut laurdag 21. oktober.**

Ta med høveleg drikke til fest-maten ca kl. 19 laurdags kvelden.



FOTO: Agnar K. ©

**SMALAHOVE TIL BORDS:** So god stemning er det på Sunnfjordhytta når det ei helg kvar haust kjem smalahove, kålrot og poteter på bordet.

Folk må pga. maten melda seg på etar-gildet til Agnar Hegrenes, tlf. 924 96 438 (gjærne på sms) eller [agnar.hegrenes@nibio.no](mailto:agnar.hegrenes@nibio.no)  
**seinast onsdag 18. oktober.**

Prisen vert også i år **200 kr per person**, 300 for dei som overnattar til søndag. Kaffi og kaker er medrekna.


**Sunnfjordhytta Pustut** ligg ved Sinober i Lillomarka. Du kan gå sti anten frå Snippen eller Movatn (på Gjøvikbana) eller grusveg frå Sagtomta i Nittedal (RV4 til skilting 'Lillomarka').

**TUREN TIL SOGN OG SUNNFJORD i september** får fyldig omtale i neste nr. av bladet.

Dei som vil overnatta, må ta med sovepose/lakenpose og frukostmat og drikke. **Laurdagen byr også på ei overrasking.**

Me ynskjer alle som kan og vil, velkomne til eit godt måltid svidne smalahove frå Ivar Løne på Voss, med kålrot, poteter – og flatbrød til!

*Agnar Hegrenes*



*Kom på klubbefesten 4. november - bli med på den store jubileumsfeiringa!*

Sogn og Fjordanelaget i Oslo ynskjer alle hjarteleg velkomne til

# den store **Jubileumsfesten** – den 90. *KLUBBEFESTEN* laurdag **4. november** 2017 kl 19.00

– ein fest for fjordingar, sogningar og anna godt folk...

I år feirar vi trippel jubileum på den årvisse og tradisjonsrike Klubbefesten i Storsalen!!! Festen vart stelt i stand fyrste gong i 1923.

Og Sogn og Fjordanelaget i Oslo vart skipa i 1987, altså 30 år sidan!

Den eldste jubilaranten på festen er likevel **Austrheim Musikk-lag frå Gloppen – dei rundar 100 i år!!**

Dei er eit av dei aller eldste spelemannslaga i heile landet, har spela både heime og ute i årevis og gledt sær mange. I 2007 spela dei i alle 26 kommunane i fylket vårt. I år har dei spela i alle våre fylke og **toppar det heile med å spela på haustfesten vår – stort!** Dei spelar allsidig og god danse- og tango musikk – også med swing og tango iblanda.



Austrheim Musikk-lag spela seg nordover med Hurtigruta i juni i år. FOTO: Margrethe Henden Aaraas ©

**Sogn og Fjordanelaget er 30 år:** I 1987 slo vi saman Sognelaget, Sunnfjordlaget og Nordfjordlaget, som lenge hadde samarbeidd godt under nemninga SO-SU-NOR. Laga har også hatt leikarringen Sogn og Fjordaneringen felles heilt frå den vart skipa i 1954.

**Jon Tvinnereim** skal halde festtalen, med eit skrâblikk på både Nordfjord, heimfylket – og kanskje på Klubbefesten? Tvinnereim er frå Randabygda, historikar av fag og ein framifrâ talar. Han har vore rektor på Høgskulen i Volda og forskingsleiar ved Møreforskning, skrivje mange bøker og fleire artiklar.



FOTO: frå nettet

Nordfjordingen, historikar Jon Tvinnereim held festtale.

**Klubbefesten**, haustens kulinariske og kulturelle høgdepunkt for utflytte fjordingar og sogningar og nærskylde, samlar folk ved festpynta langbord i Storsalen **for 90. gong!** Det vert truleg den siste store i sitt slag...

Klubben/raspeballane blir laga på byggmjøl steinmale på vassdriva kvern av Erik Ivar på Ulvedal i Stryn, og vert servert med kjøt og kålrot, sirup og skyr. Kaffi og konfekt vankar det attpå. Og allsongen vil nok ljome i Storsalen, både Klubbevisa, Nordfjordsongen og litt til!

Så få med deg folk og kom på Klubbefesten i Storsalen i Nordahl Bruns gate 22, laurdag 4. november kl. 19!

**Påmelding og pris:** Festen kostar berre 300 kr. for medlemmer og 450 kr. for andre.

Det er svært rimeleg for full middag, fyrsteklasses underhaldning og dans til levande musikk!

**Påmeldingsfrist er onsdag 25. oktober.**

Meld dykk på anten til: Jofrid Holter, e-post: [jofrid.holter@hioa.no](mailto:jofrid.holter@hioa.no) tlf. 975 91 542,

eller til Anny Sollid: e-post: [anny.sollid@online.no](mailto:anny.sollid@online.no)

**Ver hjarteleg velkomne på klubbe-/komle-/raspekake-/raspeballfest! Kjær mat har mange gode namn – og glir lett ned halsen...**

Og er me skikkeleg heldige, får me **Leif Inge Underdal** som festleiar – ein kar som kan nett det!